



09. November 2023
Aqqalu C.Jerimiassen

UKA 2023/138

Imigassat aalakoornartortallit kimittuut sumiiffiit ilaanni matoqqatinneqarnerat pillugu apeqquteqaat aallaavigalugu oqallinnissamik siunnersuut

(Inatsisartunut ilaasortaq Knud Mathiasen, Attaviitsoq)

Imigassaq eqqartorneqalersillugu, eqqarsaaterpassuit misigissutsillu puttallarartinneqartuartarput, oqartoqarniartarporlu allaat, imigassarooq peqquutaalluni taamatut ajoraluartumik pisoqarpoq, imigassarsuunngooq una aserorpaaq.

Kisiannili piviusoq sunaava? Imigassaq nammineq qanernut isersinnaava? Oqarsinnaava nammineerluni; tigunnga iminnga.

Naamik, tamakku nammineerluni inummi iliusaaqqaanngippata susoqarnaviangilaq.

Killilersuutit eqqarsaatigivallaalersinaginuna eqqarsaatigeqqaartariaqartoq, uagut inuiaqatigiittut imigassamik atuisariaaserpoq.

Imigassaq kimittoq tassaaqqinnaartariaqanngilaq amaarniut/putoqqanut/putumaniut/aalakoorniut/nakeeqaniut.

Isiginnittaaserput tassungaaraannaq killilersimappat, ajoraluartumik nunarsuarmioqatitta sinnerannit kinguusaaqimassaaqagut, iggasiginissaanulluunniimmi imigassat kimittuut eqqarsaatigineq nalugutsigit.

Assersuuteqalaarta oqallisissiaqartup assersuusioneratuut, Tasiilap eqqaani imigassat kimittuut matoqqanerat qanoq unnuisarfiuteqartunummita sunniuteqarpa?

Unnuisarfiutillit nunarsuaq tamakkerlugu toqqaannartumik Island aqqutigalugu tikerarneqartarput, tassanilu neriniartarfik pitsassuartaq piuvoq. Taannali inerisaasinnaassaguni, imaluunniit nerisassianik immikkuullarissunik nunarsuarmioqatitta igasariaasianut eqqaanartumik iganiassaguni, whisky, cognac assigisaallu imaaliinnarluni pissarsiarisinnaanngilai.

Killilersuinerinuku akitsorsaajuernerillu kisiisa aaqqiissutissatut isigiunnaamilaarlugit, imigassamut isiginnittariaaseq suliassaasoq, imaluunniit nutartertariaqartoq. Ulorianartuinnartut, inuiaqatigiinni ajornartorsiutinik pilersitsisussaannartut weekendilu taamaallaat naallugu aallaammatissatut isiginiartuarneqarnera kinguusaaqqaneruallaaqaaq.

Qapuit viinniliornermi atorineqartartut, imiassaviit akussaallu allat illuanissaaq eqqartoqqissinnaasariaqalerpaguttaq ammaqinneqarsinnaanissaat.

Oqallisissiaqartoq assortorneqarsinnaanngilaq, sumiiffiit killilersuiffiusut aperineqartariaqalerput aaliangiitinneqarlutik sulii pissutsit taakku nangittumik ingerlatikkusunneraat.